


ИҚТИСОДИЙ ҲАМКОРЛИК ТАШКИЛОТИНИНГ НАВБАТДАГИ САММИТИ ДОИРАСИДА ИККИ ТОМОНЛАМА САМАРАЛИ УЧРАШУВЛАР ЎТКАЗИЛДИ

Ўзбекистон Республикаси Президенти Шавкат Мирзиёев 8 ноябрь кuni Иқтисодий ҳамкорлик ташкилотининг ўн олтинчи саммитида иштирок этиш учун мамлакатимизга ташриф буюрган Иқтисодий ҳамкорлик ташкилоти бош котиби Хусрав Нозирий, Покистон Ислон Республикаси Бош вазири Анвар ул-Ҳақ Какар, Қирғиз Республикаси Президенти Садир Жапаров ва Туркия Республикаси Президенти Режеп Таййип Эрдоған билан учрашувлар ўтказди.



ИҚТ бош котиби Хусрав Нозирий билан учрашувда Бирлашма доирасида амалий ҳамкорликни янада ривожлантириш, ушбу кўп томонлама тузилмалар фаолияти самардорлигини ошириш масалалари кўриб чиқилди.

Давлатимиз раҳбари ўзаро манфаатли ҳамкорликни кенгайтириш, энг аввало, савдо, транспорт, инвестициялар, инновациялар, экология, туризм соҳаларида қўшма лойиҳа ва дастурларни амалга ошириш учун катта салоҳият мавжудлигини қайд этди.

Бош котиб Ўзбекистон ИҚТ фаолиятида фаол иштирок этаётгани, илк бор Тошкентда "Ҳамкорликда иқтисодий барқарорлик ва тараққиёт сари" шиори остида ўтказилган ИҚТнинг

навбатдаги саммити юқори савияда тайёрлангани учун саммитий миннатдорлик билдирди.

Мамлакатимизнинг 2021 йилги Ашхобод саммити давомида илгари сурилган ташаббуслари изчил амалга оширилаётгани катта мамнуният билан қайд этилди.

Учрашув чоғида ИҚТ давлатлари етакчиларининг бўлажак Тошкент йиғилиши кун тартиби юзасидан фикр алмашилди.

Покистон Ислон Республикаси Бош вазири Анвар ул-Ҳақ Какар билан учрашувда икки томонлама ҳамкорликни, энг аввало, савдо-иқтисодий, инвестиция ва транспорт-коммуникация соҳаларида янада мустаҳкамлашнинг долзарб масалалари муҳокама қилинди.

Турли даражаларда фаол мулоқот олиб борилаётгани мамнуният билан қайд этилди. Ўзаро товар айирбошлаш ва юк ташиш ҳажми йил бошидан буюн 40 фоиз ошди. Тўқимачилик, кимё, фармацевтика ва бошқа тармоқларда кооперация лойиҳалари амалга оширилмоқда. Йигирмата қўшма корхона ташкил этилди.

2024-2025 йилларга мўлжалланган Саноат кооперацияси дастурини тез фурсатда қабул қилиш, ишбилармонлик алоқаларини ривожлантириш учун савдо тўсиқларини бартараф этиш ва қўлай шартлар яратиш муҳимлиги таъкидланди.

Трансафгон темир йўлини қуриш лойиҳасини амалга ошириш масалалари алоҳида эътибор қаратилди.

Минтақавий кун тартибидagi масалалар юзасидан ҳам фикр алмашилди.

Қирғиз Республикаси Президенти Садир Жапаров билан учрашувда Ўзбекистон билан Қирғизистон ўртасидаги дўстлик, яхши кўшничлик ва кенг қамровли стратегик шериклик муносабатларини янада мустаҳкамлаш масалалари кўриб чиқилди.

Ўзаро савдо ҳажми жадал суръатда ўсмоқда, саноат, энергетика, қишлоқ хўжалиги, транспорт ва бошқа устувор йўналишларда кооперация лойиҳалари амалга оширилмоқда. Тадбирларга бой маданий-гуманитар ҳамкорлик дастури рўёбга чиқарилмоқда.

Ўзбекистон ва Қирғизистон етакчилари олий даражада эришилган келишувларни амалга ошириш муҳимлигини қайд этдилар.

Давлат раҳбарлари Марказий Осиё минтақасидаги йирик инфратузилма лойиҳаларини тез фурсатда бошлаш масалаларига алоҳида тўхталдилар.

Туркия Республикаси Президенти Режеп Таййип Эрдоған билан учрашувда Ўзбекистон билан Туркия ўртасидаги кўп қиррали ҳамкорликни янада кенгайтириш ва кенг қамровли стратегик шериклик муносабатларини ривожлантириш масалалари кўриб чиқилди.

Ўзаро мулоқот ва алмашинувлар фаол давом эттирилаётгани мамнуният билан қайд этилди. Товар айирбошлаш ҳажми, тўғридан-тўғри авиақатновлар сонини, сайёҳлар оқими ортиб бормоқда.

Мамлакатимизда Туркиянинг етакчи компаниялари иштирокида йирик

инвестиция лойиҳалари амалга оширилмоқда. Йил бошидан 500 миллион доллардан ортиқ тўғридан-тўғри сармоялар жалб қилинди, 200 дан зиёд янги корхоналар ташкил этилди.

Савдо, саноат, инновациялар, энергетика, транспорт, таълим, маданият, туризм ва бошқа соҳалардаги қўшма лойиҳа ва дастурларни жадаллаштириш муҳимлиги таъкидланди.

Бўлажак тадбирлар режаси, шу жумладан, Ўзбекистон — Туркия Стратегик ҳамкорлик кенгашининг навбатдаги йиғилишига тайёргарлик кўриб чиқилди.

Давлат раҳбарлари минтақавий аҳамиятга молик долзарб масалалар юзасидан ҳам фикр алмашилди.

ЎЗА

ИҚТ Бош котиби Хусрав НОЗИРИЙ: ЎЗБЕКИСТОННИНГ ИҚТДАГИ ФАОЛ ПОЗИЦИЯСИ МАМЛАКАТНИНГ СЎНГИ ЙИЛЛАРДАГИ ҲАЙРАТЛАНАРЛИ РИВОЖЛАНИШ БЎЙИЧА САЎЙ-ҲАРАКАТЛАРИНИНГ БИР ҚИСМИДИР

8-9 ноябрь кунлари Тошкентда бўлиб ўтаётган Иқтисодий ҳамкорлик ташкилоти саммити арафасида "Дунё" АА мухбири мазкур ташкилот Бош котиби Хусрав Нозирий билан ИҚТни янада ривожлантириш истиқболлари ва ушбу жараёнда Ўзбекистоннинг иштироки ҳақида суҳбатлашди.

— Жаноб Нозирий, Иқтисодий ҳамкорлик ташкилотининг Тошкентда бўлиб ўтаётган 16-саммитидан куталаётган натижалар ва форум кун тартибидagi устувор мақсадлар ҳақидаги фикрларингиз билан ўртоқлашсангиз.

— Раҳмат. Аввало, таъкидлаб ўтиш жоизки, ИҚТ 16-саммитининг аъзо мамлакатлар давлат раҳбарлари иштирокида Тошкентда ўтказилиши биз учун катта шарафдир.

Ўзбекистоннинг ИҚТдаги фаол позицияси мамлакатнинг сўнги йиллардаги ҳайратланарли ривожланиш саъй-ҳаракатларининг бир қисmidир. Мамлакатимизнинг жаҳон ва минтақавий обрў-эътибори сезиларли даражада ошганидан, шунингдек, сўнги иқтисодий ривожланишига гувоҳ бўлишдан, унинг истиқболли эканини кўришдан мамнунимиз.



Ушбу саммит минтақага таъсир этаётган муайян халқаро ўзгаришлар фонидида ўтказилмоқда. Шу маънода, саммит ташкилот фаолиятини таҳлил қилиш ва келгусидаги саъй-ҳаракатларни йўналтириш учун етакчиларимизни тўплайдиган халқаро форум сифатида юксак аҳамият касб этади. Саммитда ИҚТ фаолияти муҳокама қилинади ва савдо, энергетика, транспорт, атроф-муҳит, туризм, қишлоқ хўжалиги, саноат ва "яшил" ривожланишга оид устувор тармоқлардаги минтақавий ҳамкорликнинг ҳолати кўриб чиқилади.

Давоми 2-бетда



Узоқ йиллик сокинликдан уйғонган кучли вулқон каби бугун дунёнинг турли минтақаларида тобора кескинлашиб бораётган можаролар инсоният хавфсизлиги ва фаровонлиги, иқтисодий барқарорлиги, бир сўз билан айтганда, сайёрамиз келажагига катта хавф туғдирмоқда. Бу ҳолат барча давлатлар, жумладан, Учинчи Ренессанс пойдеворини яратишдек буюк мақсадлар сари дадил одимлаётган, катта йўл бошидаги Ўзбекистон учун гоёят хатарлидир.

ТАРАҚҚИЁТ ЁХУДА ТАНАЗЗУЛ

ҚАЙ БИРИ ТОМОН БОРИШИМИЗ БУГУНГИ ИНТИЛИШЛАРИМИЗ ШИДДАТИГА БОҒЛИҚ

Мана шундай геосиёсий, геоиқтисодий мураккаб бир вазиятда энг катта хавф — ҳаракатсизлик. Бунда тўғри ва шиддатли ҳаракат тараққиётга, аксинча, ана шу вазият яратган

тўлқинда оқиб бориш таназзулга етаклайди. Демак, қай бир манзил томон боришимиз бугунги саъй-ҳаракатларимиз шиддати-га боғлиқ.

Давоми 3-бетда

МЕХРЛИ ЖАМИЯТ

ИНСОННИ ҚАДРЛАШ ЯНГИ ЎЗБЕКИСТОН СИЁСАТИНИНГ ҚАЛБИГА АЙЛАНДИ


СИЗ ВАТАНДАН ОЛИДСАИЗ, ЛЕКИН ВАТАН СИЗДАН ОЛИДСА ЭМАС

Биз бир бўлсак — ягона халқимиз, бирлашсак — Ватанмиз! Давлатимиз раҳбарининг бу сўзлари бугун нафақат мамлакатимиз ҳудудида, балки олидса яшаб, меҳнат қилаётган, таълим олаётган юртдошларимиз қалбиди ҳам акс садо бермоқда.

Ватанини беҳим онага қиёсламаймиз. Зеро, фарзандлари қаерда бўлмасин, она унинг ташвишини қилади, камолини тилайди. Бугун янги Ўзбекистонда, биринчи навбатда, инсон қадрини улуғлаш, халқимиз учун муносиб ҳаётий шарт-шароитлар яратиш берилди, йиллар давомида тўпланиб қолган ижтимоий муаммоларни босқичма-босқич ҳал қилиш, қаерда яшаб, меҳнат қилаётганидан катъи назар, Ўзбекистон фуқароларини ҳар томонлама қўллаб-қувватлаш давлат сиёсатининг ўзагига, тўғриси, қалбига айланди.

Президентимиз топширигига биноан, жорий йил 9-20 октябрь кунлари Маҳаллаларда ёшлар билан ишлаш масалаларини мувофиқлаштириш бўйича республика комиссияси аъзолари, вазирлик ва идоралар, маҳаллий ҳокимликлар масъуллари, адабиёт ва санъат, ОАВ вакилларидан иборат 32 кишилик делегация Россия Федерациясида бўлди.

Делегация аъзолари Россиянинг қатор ҳудудларида ҳукумат мутасаддилари, маҳаллий ҳокимият вакиллари ва бошқа манфаатдор шахслар билан ушбу давлатда меҳнат қилаётган юртдошларимиз манфаатларини ҳимоя қилишга қаратилган 50 дан ортиқ музокара ўтказди. Ўзбекистон фуқаролари қонуний асосда меҳнат қилиши учун шарт-шароитларни кафолатлаш, қўшимча қўлайлик ва имтиёзлар ара-



тиш, ёшлар таълими ва маданий ҳамкорлик масалаларида 15 та меморандум, шартнома ва келишув имзоланди.

Сафар давомида йирик ишлаб чиқариш корхоналари, қурилиш объектлари, бозорлар, ватандошларимиз истиқомат қилаётган ётоқхоналар, хонадонлар, талабаларимиз таҳсил олаётган таълим муассасаларига борилди. Мамлакатимизнинг Россиядаги элчихонаси, консуллик муассасаларида учрашувлар ташкил этилди.

Давоми 5-бетда

